

VLADA ZENIČKO-DOBOJSKOG KANTONA
Ministarstvo za rad, socijalnu politiku i izbjeglice

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13) i Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona („Službene novine Zeničko-dobojskog kantona“ broj: 4/15, 7/15, 11/16, 5/23 i 10/23), Ministarstvo za rad, socijalnu politiku i izbjeglice Zeničko-dobojskog kantona objavljuje

JAVNI OGLAS
za imenovanje na pozicije predsjednika i članova
Upravnog odbora i članova Nadzornog odbora JU Služba
za zapošljavanje Zeničko-dobojskog kantona

1. Oglašavaju se upražnjene pozicije u JU Služba za zapošljavanje Zeničko-dobojskog kantona

(u daljem tekstu: Služba):

1. Upravni odbor

1.1. Predsjednik.....	1
1.2. Član.....	4

Jedan član bira se iz reda zaposlenih u Službi.

2. Nadzorni odbor

2.1. Član.....	2
----------------	---

Jedan član bira se iz reda zaposlenih u Službi.

2. Opis pozicije

Upravni odbor

Donosi statut i druge akte u skladu sa zakonom, predlaže promjenu i proširenje djelatnosti, predlaže promjenu naziva Službe, donosi finansijski plan i godišnji obračun, utvrđuje godišnji program rada, odlučuje o korištenju sredstava u slučajevima utvrđenim općim propisima i aktima Službe, donosi odluke u drugom stepenu u predmetima u kojima se odlučuje o pravima, obavezama i odgovornostima zaposlenika iz radnog odnosa, raspisuje konkurs za imenovanje direktora, imenuje konkursnu komisiju, imenuje i razrješava direktora Službe uz saglasnost Vlade kantona u skladu sa zakonom, rješava sva pitanja odnosa sa osnivačem, donosi poslovnik o svom radu, obavlja i druge poslove utvrđene općim propisima, aktima osnivača, statutom i drugim općim aktima Službe, te poslove koji po svojoj prirodi i značaju spadaju u nadležnost Upravnog odbora.

Nadzorni odbor

Analizira izvještaje o poslovanju Službe, obavlja nadzor nad upotrebom sredstava za rad, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, Upravni odbor i direktora o rezultatima nadzora.

Predsjednika i članove Upravnog i članove Nadzornog odbora imenuje Vlada Zeničko-dobojskog kantona na period od četiri godine i mogu biti ponovo imenovani u skladu sa zakonom. Osobe, konačno imenovane na pozicije predsjednika i članova Upravnog i članova Nadzornog odbora, ostvarivat će naknadu za rad, u skladu sa općim aktom Službe.

3. Svaki kandidat za upražnjenu poziciju treba da ispunjava sljedeće opće i posebne uvjete:

Opći uvjeti:

- a) da je državljanin Bosne i Hercegovine;
- b) da je stariji od 18 godina;

- c) da nije otpušten iz državne službe, kao rezultat disciplinske mjere (bilo na nivou države ili entiteta), u periodu od tri godine prije dana objavljivanja upražnjene pozicije;
- d) da se na njega ne odnosi član IX.1. Ustava Bosne i Hercegovine;
- e) da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine;
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službeni novine FBiH“, broj: 70/08);
- g) da nema privatni i/ili finansijski interes u instituciji u kojoj se kandiduje;
- h) da nije osuđivan za krivično djelo nespojivo sa imenovanjem na dužnost u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne;
- i) da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

Posebni uvjeti:

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja;
- b) najmanje pet godina radnog iskustva nakon sticanja visoke stručne spreme;
- c) da nije član upravnog ili nadzornog odbora, odnosno odbora za reviziju nekog privrednog društva ili institucije;
- d) komunikacijske i organizacijske sposobnosti;
- e) sposobnost tumačenja ekonomskih i pravnih analiza i propisa.

Prilikom procjene posebnih uslova, kriteriji navedeni pod tačkom d) i e) posebnih uslova izrazit će se u bodovima od 1-5.

4. Prijave kandidata treba da sadrže kraću biografiju, adresu i kontakt telefon.

Uz prijavu potrebno je dostaviti:

1. Uvjerenje o državljanstvu ili CIPS potvrda-ne starije od 6 mjeseci;
2. Rodni list;
3. Univerzitetsku diplomu, odnosno dokaz o stručnoj spremi;
4. Dokaz o radnom iskustvu u skladu sa stručnom spremom, i to: uvjerenje poslodavca kod kojeg je kandidat radio ili trenutno radi ili uvjerenje porezne ispostave ovjerene pečatom i potpisom u kojem su tačno naznačeni periodi prijave i odjave kandidata ili uvjerenje Zavoda za PIO/MIO sa potvrdom o pojašnjenju šifre zanimanja iz uvjerenja tako da se može utvrditi sa kojom stručnom spremom je kandidat radio. Ukoliko se kao dokaz o iskustvu dostavlja potvrda poslodavca ista mora sadržavati sljedeće podatke: naziv i sjedište poslodavca, broj, datum i mjesto izdavanja potvrde, podatke o nazivu radnog mjesta i poslove koje je obavljao, obavezno naznačenu školsku spremu sa kojom je obavljao poslove, period obavljanja poslova, potpis i pečat ovlaštenog lica;
5. Uvjerenje/potvrda da kandidatu nije izrečena zaštitna mjera zabrane obavljanja aktivnosti/djelatnosti, tri godine od dana pravosnažnosti odluke o izrečenoj zaštitnoj mjeri izdato od nadležnog Općinskog suda prema mjestu prebivališta kandidata-ne starije od 6 mjeseci;
6. Uvjerenu izjavu kandidata iz tačke 3. ovog oglasa – opći uvjeti pod c), d), e), f) i g) i Posebni uslovi pod c).

Napomena:

Dokaz da kandidat nije osuđivan za krivično djelo od nadležnog MUP-a službeno će se zatražiti za kandidate koji prođu užu konkurenciju.

Svi priloženi dokumenti moraju biti u originalu ili ovjerenoj kopiji.

Svi kandidati koji se uvrste na listu sa užim izborom, bit će pozvani na intervju pred Komisiju za izbor. Prilikom pozivanja kandidata na intervju, svi kandidati su dužni popuniti obrazac, u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci će se dostaviti kandidatima prije intervjuja.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH („Službeni glasnik BiH“; broj: 49/06, 76/11 i 89/11).

Kandidati koje nakon intervjuja preporuči Komisija za izbor, smatrat će se da su najuspješnije prošli otvorenu konkurenciju.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, zainteresovana stranka može podnijeti prigovor na konačno imenovanje.

Prigovor se podnosi Vladi Zeničko-dobojskog kantona, putem kantonalnog Ministarstva za rad, socijalnu politiku i izbjeglice, a kopija se dostavlja Uredu Ombudsmena za ljudska prava Bosne i Hercegovine.

Oglas će biti objavljen u „Službenim novinama Federacije BiH“ i dnevnom listu „Dnevni avaz“. Oglas za podnošenje prijava ostaje otvoren petnaest (15) dana od dana posljednjeg javnog objavljivanja.

Vlastoručno potpisane prijave sa svim traženim dokumentima **sa naznakom za koju poziciju se kandidat prijavljuje i iz kojeg reda**, treba dostaviti na Protokol Zeničko-dobojskog kantona ili poštom preporučeno u **ZATVORENOJ KOVERTI** sa naznakom „Prijava na Javni oglas za imenovanje na pozicije predsjednika i članova Upravnog/Nadzornog odbora JU Služba za zapošljavanje Zeničko-dobojskog kantona-NE OTVARATI“, na sljedeću adresu:

ZENIČKO-DOBOJSKI KANTON
Ministarstvo za rad, socijalnu
politiku i izbjeglice
Ul. Kučukovići br. 2
72000 Zenica

Neblagovremene i nepotpune prijave neće biti uzete u razmatranje.

MINISTAR

Zlatko Jelić